



□ 12
2084
1



東坡

書經集傳序

慶元己未冬先生文公令沉作書集傳明年先生歿又十年始克成編總若干萬言嗚呼書豈易言哉二帝三王治天下之大經大法皆載此書而淺見薄識豈足以盡發蘊奧且生於數千載之下而欲講明於數千載之前亦已難矣然二帝三王之治本於道二帝三王之道本於心得其心則道與治固可得而言矣何者精一執

門 042
孫 2084
卷 /

五經
書序
中堯舜禹相授之心法也。建中建極。商湯周武
相傳之心法也。曰德曰仁曰敬曰誠。言雖殊而
理則一。無非所以明此心之妙也。至於言天則
嚴其心之所自出。言民則謹其心之所由施。禮
樂教化。心之發也。典章文物。心之著也。家齊國
治而天下平。心之推也。心之德其盛矣乎。二帝
三王存此心者也。夏桀商受亡此心者也。太甲
成王困而存此心者也。存則治。亡則亂。治亂之

分。顧其心之存不存如何耳。後世人主有志於
二帝三王之治。不可不求其道。有志於二帝三
王之道。不可不求其心。求心之要。舍是書何以
哉。沉自受讀以來。沉潛其義。參攷衆說。融會貫
通。迺敢折衷。微辭奧旨。多述舊聞。二典禹謨。先
生蓋嘗是正。手澤尙新。嗚呼。惜哉。集傳本先生
所命。故凡引用師說。不復識別。四代之書。分爲
六卷。文以時異。治以道同。聖人之心。見於書。猶

化工之妙著於物非精深不能識也是傳也於
 堯舜禹湯文武周公之心雖未必能造其微於
 堯舜禹湯文武周公之書因是訓詁亦可得其
 指意之大略矣嘉定己巳三月既望武夷蔡沉
 序

書經篇目

虞書

堯典

舜典

大禹謨

皋陶謨

益稷

高宗彤日

夏書

禹貢

甘誓

五子之歌

胤征

太甲上

太甲中

商書

湯誓

仲虺之誥

湯誥

伊訓

太甲上

太甲中

太甲下

咸有一德

盤庚上

盤庚中

盤庚下

說命上

說命中

說命下

高宗彤日

西伯戡黎

微子

大甲

周書

泰誓上

泰誓中

泰誓下

牧誓

武成

洪範

旅獒

金縢

大誥

微子之命

康誥

酒誥

梓材

召誥

洛誥

多士

無逸

君奭

蔡仲之命

多方

立政

周官

君陳

顧命

康王之誥

畢命

君牙

問命

呂刑

文侯之命

費誓

秦誓

費誓	秦誓	文侯之命	呂刑	問命
費誓	秦誓	文侯之命	呂刑	問命
費誓	秦誓	文侯之命	呂刑	問命
費誓	秦誓	文侯之命	呂刑	問命
費誓	秦誓	文侯之命	呂刑	問命
費誓	秦誓	文侯之命	呂刑	問命
費誓	秦誓	文侯之命	呂刑	問命
費誓	秦誓	文侯之命	呂刑	問命
費誓	秦誓	文侯之命	呂刑	問命
費誓	秦誓	文侯之命	呂刑	問命

書經

虞書

堯典

曰若稽古帝堯曰放勳欽明文思安安允恭克讓光被四表格于上下節克明俊德以親九族九族既睦平章百姓百姓昭明協和萬邦黎民於變時雍節乃命羲和欽若昊天曆象日月星辰敬授人時節分命羲仲宅嵎夷曰暘谷寅賓



大正元年十月廿日寄
山田市郎氏贈

出日平秩東作日中星鳥以殷仲春厥民析鳥獸孳尾節申命羲叔宅南交平秩南訛敬致日未星火以正仲夏厥民因鳥獸希革節分命和仲宅西曰昧谷寅饑納日平秩西成宵中星虛以殷仲秋厥民夷鳥獸毛毳節申命和叔宅朔方曰幽都平在朔易日短星昴以正仲冬厥民隩鳥獸氄毛節帝曰咨汝羲暨和朞三百有六旬有六日以閏月定四時成歲允釐百工庶績

咸熙節帝曰疇咨若時登庸放齊曰胤子朱啓明帝曰吁囂訟可乎節帝曰疇咨若予采驩兜曰都共工方鳩僝功帝曰吁靜言庸違象恭滔天節帝曰咨四岳湯湯洪水方割蕩蕩懷山襄陵浩浩滔天下民其咨有能俾乂兪曰於鯀哉帝曰吁咈哉方命圯族岳曰異哉試可乃已帝曰往欽哉九載績用弗成節帝曰咨四岳朕在位七十載汝能庸命巽朕位岳曰否德忝帝位

巽通古用

曰明明揚側陋師錫帝曰有鰥在下曰虞舜帝
 曰俞予聞如何岳曰瞽子父頑母嚚象傲克諧
 以孝烝烝乂不格姦帝曰我其試哉女于時觀
 厥刑于二女釐降二女于嬀汭嬪于虞帝曰欽
 哉

舜典

曰若稽古帝舜曰重華協于帝濬哲文明溫恭
 允塞玄德升聞乃命以位節慎徽五典五典克

從納于百揆百揆時叙賓于四門四門穆穆納
 于大麓烈風雷雨弗迷節帝曰格汝舜詢事考
 言乃言底可績三載汝陟帝位舜讓于德弗嗣
 節正月上日受終于文祖節在璿璣玉衡以齊
 七政節肆類于上帝禋于六宗望于山川徧于
 羣神節輯五瑞既月乃日覲四岳羣牧班瑞于
 羣后節歲二月東巡守至于岱宗柴望秩于山
 川肆覲東后協時月正日同律度量衡修五禮

五玉三帛二生一死贄如五器卒乃復五月南
 巡守至于南岳如岱禮八月西巡守至于西岳
 如初十有一月朔巡守至于北岳如西禮歸格
 于藝祖用特節五載一巡守羣后四朝敷奏以
 言明試以功車服以庸節肇十有二州節封十
 有二山濬川象以典刑流宥五刑鞭作官刑扑
 作教刑金作贖刑眚災肆赦怙終賊刑欽哉欽
 哉惟刑之恤哉節流共工于幽洲放驩兜于崇

山竄三苗于三危殛鯀于羽山四罪而天下咸
 服節二十有八載帝乃殂落百姓如喪考妣三
 載四海遏密八音節月正元日舜格于文祖節
 詢于四岳闢四門明四目達四聰節咨十有二
 牧曰食哉惟時柔遠能邇惇德允元而難任人
 蠻夷率服節舜曰咨四岳有能奮庸熙帝之載
 使宅百揆亮采惠疇僉曰伯禹作司空帝曰俞
 咨禹汝平水土惟時懋哉禹拜稽首讓于稷契

暨臯陶。帝曰：俞，汝往哉。節。帝曰：棄黎民阻饑，汝
 后稷播時百穀。節。帝曰：契，百姓不親，五品不遜，
 汝作司徒，敬敷五教在寬。節。帝曰：臯陶，蠻夷猾
 夏，寇賊姦宄，汝作士，五刑有服，五服三就，五流
 有宅，五宅三居，惟明克允。節。帝曰：疇若予工，兪
 曰：垂哉。帝曰：俞，咨垂，汝共工，垂拜稽首，讓于
 殄暨伯。與帝曰：俞，往哉。汝諧。節。帝曰：疇若予上，
 下草木鳥獸，兪曰：益哉。帝曰：俞，咨益，汝作朕虞。

益拜稽首，讓于朱虎熊羆。帝曰：俞，往哉。汝諧。節。
 帝曰：咨，四岳，有能典朕三禮。兪曰：伯夷。帝曰：俞，
 咨伯，汝作秩宗，夙夜惟寅，直哉惟清。伯拜稽首，
 讓于夔龍。帝曰：俞，往欽哉。節。帝曰：夔，命汝典樂，
 教胥子，直而溫，寬而栗，剛而無虐，簡而無傲。詩
 言志，歌永言，聲依永，律和聲，八音克諧，無相奪
 倫，神人以和。夔曰：於予擊石拊石，百獸率舞。節。
 帝曰：龍，朕聖，讒說殄行，震驚朕師，命汝作納言。

夙夜出納朕命惟允節帝曰咨汝二十有一人
 欽哉惟時亮天功節三載考績三考黜陟幽明
 庶績咸熙分北三苗節舜生三十徵庸三十在
 位五十載陟方乃死

大禹謨

曰若稽古大禹曰文命敷于四海祗承于帝節
 曰后克艱厥后臣克艱厥臣政乃乂黎民敏德
 節帝曰兪允若茲嘉言罔攸伏野無遺賢萬邦

咸寧稽于衆舍已從人不虐無告不廢困窮惟
 帝時克節益曰都帝德廣運乃聖乃神乃武乃
 文皇天眷命奄有四海為天下君節禹曰惠迪
 吉從逆凶惟影響節益曰吁戒哉儆戒無虞罔
 失法度罔遊于逸罔淫于樂任賢勿貳去邪勿
 疑疑謀勿成百志惟熙罔違道以干百姓之譽
 罔拂百姓以從已之欲無怠無荒四夷來王節
 禹曰於帝念哉德惟善政政在養民水火金木

土穀惟修。正德利用。厚生惟和。九功惟叙。九叙
 惟歌。戒之用休。董之用威。勸之以九歌。俾勿壞。
 節帝曰。俞。地平天成。六府三事。允治。萬世永賴。
 時乃功。節帝曰。格。汝禹。朕宅帝位三十有三載。
 耄期倦于勤。汝惟不怠。總朕師。節禹曰。朕德罔
 克。民不依。臯陶邁種德。德乃降。黎民懷之。帝念
 哉。念茲在茲。釋茲在茲。名言茲在茲。允出茲在
 茲。惟帝念功。節帝曰。臯陶。惟茲。臣庶罔或干予。

正。汝作士。明于五刑。以弼五教。期于予治。刑期
 于無刑。民協于中。時乃功。懋哉。節臯陶曰。帝德
 罔愆。臨下以簡。御衆以寬。罰弗及嗣。賞延于世。
 宥過無大刑。故無小罪。疑惟輕。功疑惟重。與其
 殺不辜。寧失不經。好生之德。洽于民心。茲用不
 犯于有司。節帝曰。俾予從欲以治。四方風動。惟
 乃之休。節帝曰。來。禹。洚水儆予。成允成功。惟汝
 賢。克勤于邦。克儉于家。不自滿假。惟汝賢。汝惟

不矜天下莫與汝爭能。汝惟不伐，天下莫與汝爭功。予懋乃德，嘉乃丕績。天之曆數在汝躬，汝終陟元后。節：人心惟危，道心惟微，惟精惟一，允執厥中。節：無稽之言，勿聽；弗詢之謀，勿庸。節：可愛非君，可畏非民。衆非元后，何戴？后非衆罔與守邦。欽哉！慎乃有位，敬修其可願。四海困窮，天祿永終。惟口出好興戎，朕言不再。節：禹曰：枚卜功臣，惟吉之從。帝曰：禹官占，惟先蔽志，昆命于

元龜。朕志先定，詢謀僉同，鬼神其依。龜筮協從，卜不習吉。禹拜稽首，固辭。帝曰：毋，惟汝諧。節：正月朔旦，受命于神宗，率百官。若帝之初。節：帝曰：咨禹，惟時有苗弗率，汝徂征。禹乃會羣后，誓于師曰：濟濟有衆，咸聽朕命。蠢茲有苗，昏迷不恭，侮慢自賢，反道敗德。君子在野，小人在位，民棄不保。天降之咎，肆予以爾衆士，奉辭伐罪。爾尚一乃心力，其克有勳。節：三旬，苗民逆命，益贊于

禹曰惟德動天無遠弗届滿招損謙受益時乃
 天道帝初于歷山往于田日號泣于旻天于父
 母負罪引慝祗載見瞽瞍夔夔齊慄瞽亦允若
 至誠感神矧茲有苗禹拜昌言曰兪班師振旅
 帝乃誕敷文德舞干羽于兩階七旬有苗格

皋陶謨

曰若稽古皋陶曰允迪厥德謨明弼諧禹曰兪
 如何皋陶曰都慎厥身修思永惇叙九族庶明

勵翼邇可遠在茲禹拜昌言曰兪節皋陶曰都
 在知人在安民禹曰吁咸若時惟帝其難之知
 人則哲能官人安民則惠黎民懷之能哲而惠
 何憂乎驩兜何遷乎有苗何畏乎巧言令色孔
 壬節皋陶曰都亦行有九德亦言其人有德乃
 言曰載采采禹曰何皋陶曰寬而栗柔而立愿
 而恭亂而敬擾而毅直而溫簡而廉剛而塞彊
 而義彰厥有常吉哉節日宣三德夙夜浚明有

家日嚴祇敬六德亮采有邦翁受敷施九德咸
 事俊又在官百僚師師百工惟時撫于五辰庶
 績其凝節無教逸欲有邦兢兢業業一日二日
 萬幾無曠庶官天工人其代之節天叙有典勅
 我五典五惇哉天秩有禮自我五禮有庸哉同
 寅協恭和衷哉天命有德五服五章哉天討有
 罪五刑五用哉政事懋哉懋哉節天聰明自我
 民聰明天明畏自我民明威達于上下敬哉有

思曰
 日當作

士節皋陶曰朕言惠可底行禹曰俞乃言底可
 績皋陶曰予未有知思曰贊贊襄哉

益稷

帝曰來禹汝亦昌言禹拜曰都帝予何言予思
 日孜孜皋陶曰吁如何禹曰洪水滔天浩浩懷
 山襄陵下民昏墊予乘四載隨山刊木暨益奏
 庶鮮食予決九川距四海濬畎澮距川暨稷播
 奏庶艱食鮮食懋遷有無化居烝民乃粒萬邦

作又皋陶曰俞師汝昌言節禹曰都帝慎乃在
 位帝曰俞禹曰安汝止惟幾惟康其弼直惟動
 丕應僭志以昭受上帝天其申命用休節帝曰
 吁臣哉鄰哉鄰哉臣哉禹曰俞節帝曰臣作朕
 股肱耳目予欲左右有民汝翼予欲宣力四方
 汝爲予欲觀古人之象日月星辰山龍華蟲作
 會宗彝藻火粉米黼黻絺繡以五采彰施于五
 色作服汝明予欲聞六律五聲八音在治忽以

出納五言汝聽節予違汝弼汝無面從退有後
 言欽四鄰節庶頑讒說若不在時侯以明之撻
 以記之書用識哉欲並生哉工以納言時而颺
 之格則承之庸之否則威之節禹曰俞哉帝光
 天之下至于海隅蒼生萬邦黎獻共惟帝臣惟
 帝時舉敷納以言明庶以功車服以庸誰敢不
 讓敢不敬應帝不時敷同日奏罔功節無若丹
 朱傲惟慢遊是好傲虐是作罔晝夜頌頌罔水

行舟朋淫于家用殄厥世予創若時娶于塗山
 辛壬癸甲啓呱呱而泣予弗子惟荒度土功彌
 成五服至于五千州十有二師外薄四海咸建
 五長各迪有功苗頑弗即工帝其念哉帝曰迪
 朕德時乃功惟叙皋陶方祗厥叙方施象刑惟
 明節夔曰憂擊鳴球搏拊琴瑟以詠祖考來格
 虞賓在位羣后德讓下管鼗鼓合止祝敔笙鏞
 以間鳥獸踳踳簫韶九成鳳凰來儀節夔曰於

予擊石拊石百獸率舞庶尹允諧節帝庸作歌
 曰勅天之命惟時惟幾乃歌曰股肱喜哉元首
 起哉百工熙哉皋陶拜手稽首颺言曰念哉率
 作興事慎乃憲欽哉屢省乃成欽哉乃賡載歌
 曰元首明哉股肱良哉庶事康哉又歌曰元首
 叢脞哉股肱惰哉萬事墮哉帝拜曰俞往欽哉

夏書

禹貢

禹敷土隨山刊木奠高山大川節冀州節既載
 壺口節治梁及岐節既修太原至于岳陽節覃
 懷底績至于衡漳節厥土惟白壤節厥賦惟上
 上錯節厥田惟中中節恒衛既從大陸既作節島
 夷皮服節夾右碣石入于河節濟河惟兗州節
 九河既道節雷夏既澤節灘沮會同節桑土既
 蠶是降丘宅土節厥土黑墳厥草惟繇厥木惟
 條節厥田惟中下節厥賦貞作十有三載乃同節

厥貢漆絲厥篚織文節浮于濟漯達于河節海
 岱惟青州節嵎夷既畧節濰淄其道節厥土白
 墳海濱廣斥節厥田惟上下節厥賦中上節厥貢
 鹽絺海物惟錯岱畎絲枲鉛松怪石萊夷作牧
 厥篚檿絲節浮于汶達于濟節海岱及淮惟徐
 州節淮沂其乂節蒙羽其藝節大野既豬節東
 原底平節厥土赤埴墳草木漸包節厥田惟上
 中節厥賦中中節厥貢惟土五色羽畎夏翟嶧陽

孤桐泗濱浮磬。淮夷蠙珠暨魚。厥篚玄纁。編節。浮于淮。泗達于河。節。淮海惟揚州。節。彭蠡既豬。節。陽鳥攸居。節。三江既入。節。震澤底定。節。篠簜既敷。厥草惟夭。厥木惟喬。厥土惟塗泥。節。厥田惟下下。厥賦下上錯。節。厥貢惟金三品。瑤琨篠簜。齒革羽毛。惟木。島夷卉服。厥篚織貝。厥包橘柚。錫貢。節。沿于江海。達于淮泗。節。荆及衡陽。惟荊州。節。江漢朝宗于海。節。九江孔殷。節。沱潛

既道。節。雲土夢作乂。節。厥土惟塗泥。厥田惟下中。厥賦上下。節。厥貢羽毛齒革。惟金三品。柁榦栝柏。礪砥砮丹。惟箛篥楛。三邦底貢。厥名包匭菁茅。厥篚玄纁。璣組九江。納錫大龜。節。浮于江沱潛漢。逾于洛。至于南河。節。荆河惟豫州。節。伊洛瀍澗。既入于河。節。滎波既豬。節。導菏澤。被孟豬。節。厥土惟壤。下土墳壚。厥田惟中上。厥賦錯上中。節。厥貢漆枲絺紵。厥篚織纁。錫貢磬錯。節。

浮于洛達于河節華陽黑水惟梁州節岷嶓既
 藝節沱潛既道節蔡蒙旅平節和夷底績節厥
 土青黎節厥田惟下上厥賦下中三錯節厥貢
 璆鐵銀鏤砮磬熊羆狐狸織皮節西傾因桓是
 來浮于潛逾于沔入于渭亂于河節黑水西河
 惟雍州節弱水既西節涇屬渭汭節漆沮既從
 節澧水攸同節荆岐既旅終南惇物至于鳥鼠
 節原隰底績至于豬野節三危既宅三苗丕叙

節厥土惟黃壤節厥田惟上上厥賦中下節厥
 貢惟球琳琅玕節浮于積石至于龍門西河會
 于渭汭節織皮崑崙析支渠搜西戎卽叙節導
 岍及岐至于荆山逾于河壺口雷首至于太岳
 底柱析城至于王屋太行恒山至于碣石入于
 海節西傾朱圉鳥鼠至于太華熊耳外方桐柏
 至于陪尾節導嶓冢至于荆山內方至于大別
 節岷山之陽至于衡山過九江至于敷淺原節

五經 書 卷之五
導弱水至于合黎餘波入于流沙節導黑水至于三危入于南海節導河積石至于龍門南至于華陰東至于底柱又東至于孟津東過洛汭至于大伾北過洛水至于大陸又北播爲九河同爲逆河入于海節嶓冢導漾東流爲漢又東爲滄浪之水過三澨至于大別南入于江東匯澤爲彭蠡東爲北江入于海節岷山導江東別爲沱又東至于澧過九江至於東陵東迤北會

爲匯東爲中江入于海節導沅水東流爲濟入于河溢爲滎東出于陶丘北又東至于荷又東北會于汶又北東入于海節導淮自桐柏東會于泗沂東入于海節導渭自鳥鼠同穴東會于澧又東會于涇又東過漆沮入于河節導洛自熊耳東北會于澗瀍又東會于伊又東北入于河節九州攸同四隩既宅九山刊旅九川滌源九澤既陂四海會同節六府孔修庶土交正底

總當
作穩

慎財賦咸則三壤成賦中邦節錫土姓節祗台
 德先不距朕行節五百里甸服百里賦納總二
 百里納銍三百里納結服四百里粟五百里米
 節五百里侯服百里采二百里男邦三百里諸
 侯節五百里綏服二百里揆文教二百里奮武
 衛節五百里要服二百里夷二百里蔡節五百
 里荒服三百里蠻二百里流節東漸于海西被
 于流沙朔南暨聲教訖于四海禹錫玄圭告厥

成功

甘誓

大戰于甘乃召六卿節王曰嗟六事之人予誓
 告汝節有扈氏威侮五行怠棄三正天用勦絕
 其命今予惟恭行天之罰節左不攻于左汝不
 恭命右不攻于右汝不恭命節御非其馬之正
 汝不恭命用命賞于祖不用命戮于社予則孥
 戮汝

五子之歌

太康尸位以逸豫滅厥德黎民咸貳乃盤遊無
度畋于有洛之表十旬弗反節有窮后羿因民
弗忍距于河節厥弟五人御其母以從篋于洛
之汭五子咸怨述大禹之戒以作歌節其一曰
皇祖有訓民可近不可下民惟邦本本固邦寧
節予視天下愚夫愚婦一能勝予一人三失怨
豈在明不見是圖予臨兆民凜乎若朽索之馭

六馬爲人上者奈何不敬節其二曰訓有之內
作色荒外作禽荒甘酒嗜音峻宇彫牆有一於
此未或不亡節其三曰惟彼陶唐有此冀方今
失厥道亂其紀綱乃底滅亡節其四曰明明我
祖萬邦之君有典有則貽厥子孫關石和鈞王
府則有荒墜厥緒覆宗絕祀節其五曰嗚呼曷
歸予懷之悲萬姓仇予予將疇依鬱陶乎予心
顏厚有忸怩弗慎厥德雖悔可追

胤征

惟仲康肇位四海胤侯命掌六師羲和廢厥職
 酒荒于厥邑胤后承王命徂征節告于衆曰嗟
 予有衆聖有謨訓明徵定保先王克謹天戒臣
 人克有常憲百官修輔厥后惟明明節每歲孟
 春遭人以木鐸徇于路官師相規工執藝事以
 諫其或不恭邦有常刑節惟時羲和顛覆厥德
 沈亂于酒畔官離次俶擾天紀退棄厥司乃季

集輯
通用

秋月朔辰弗集于房瞽奏鼓嗇夫馳庶人走羲
 和尸厥官罔聞知昏迷于天象以干先王之誅
 政典曰先時者殺無赦不及時者殺無赦節今
 予以爾有衆奉將天罰爾衆士同力王室尚弼
 予欽承天子威命節火炎崑岡玉石俱焚天吏
 逸德烈于猛火殲厥渠魁脅從罔治舊染汙俗
 咸與惟新節嗚呼威克厥愛允濟愛克厥威允
 罔功其爾衆士懋戒哉

商書

湯誓

王曰格爾衆庶悉聽朕言非台小子敢行稱亂
 有夏多罪天命殛之節今爾有衆汝曰我后不
 恤我衆舍我穡事而割正夏予惟聞汝衆言夏
 氏有罪予畏上帝不敢不正節今汝其曰夏罪
 其如台夏王率遏衆力率割夏邑有衆率怠弗
 協曰時日曷喪予及汝皆亡夏德若茲今朕必

往節爾尚輔予一人致天之罰予其大賚汝爾
 無不信朕不食言爾不從誓言予則孥戮汝罔
 有攸赦

仲虺之誥

成湯放桀于南巢惟有慙德曰予恐來世以台
 爲口實節仲虺乃作誥曰嗚呼惟天生民有欲
 無主乃亂惟天生聰明時乂有夏昏德民墜塗
 炭天乃錫王勇智表正萬邦纘禹舊服茲率厥

典奉若天命。節夏王有罪，矯誣上天，以布命于下。帝用不臧，式商受命，用爽厥師。節簡賢附勢，寔繁有徒，肇我邦于有夏。若苗之有莠，若粟之有秕，小大戰戰，罔不懼于非辜。矧予之德，言足聽聞。節惟王不邇聲色，不殖貨利，德懋懋官，功懋懋賞，用人惟已，改過不吝，克寬克仁，彰信兆民。節乃葛伯仇餉，初征自葛，東征西夷怨，南征北狄怨，曰：奚獨後予？攸徂之民，室家相慶，曰：徯

予后，后來其蘇，民之戴商，厥惟舊哉。節佑賢輔德，顯忠遂良，兼弱攻昧，取亂侮亡，推亡固存，邦乃其昌。節德日新，萬邦惟懷，志自滿九族，乃離王懋昭大德，建中于民，以義制事，以禮制心，垂裕後昆。予聞曰：能自得師者王，謂人莫已若者亡，好問則裕，自用則小。節嗚呼！慎厥終，惟其始，殖有禮，覆昏暴，欽崇天道，永保天命。

湯誥

戮當
作勅

王歸自克夏至于亳。誕告萬方。節王曰：嗟爾萬方，有衆明聽予一人誥。惟皇上帝降衷于下民，若有恆性，克綏厥猷，惟后。節夏王滅德作威，以敷虐于爾萬方百姓，爾萬方百姓罹其凶害，弗忍荼毒，並告無辜于上下神祇。天道福善禍淫，降災于夏，以彰厥罪。節肆台小子，將天命明威，不敢赦，敢用玄牡，敢昭告于上天神后，請罪有夏，聿求元聖，與之戮力，以與爾有衆請命。節上

天孚佑下民，罪人黜伏。天命弗僭，賁若草木。兆民允殖。節俾予一人輯寧爾邦家，茲朕未知獲戾于上下，慄慄危懼，若將隕于深淵。節凡我造邦，無從匪彝，無卽愆淫，各守爾典，以承天休。節爾有善，朕弗敢蔽，罪當朕躬，弗敢自赦，惟簡在上帝之心。其爾萬方有罪，在予一人，予一人有罪，無以爾萬方。節嗚呼，尚克時忱，乃亦有終。

伊訓

惟元祀十有二月乙丑伊尹祠于先王奉嗣王
祗見厥祖侯甸羣后咸在百官總已以聽冢宰
伊尹乃明言烈祖之成德以訓于王節曰嗚呼
古有夏先后方懋厥德罔有天災山川鬼神亦
莫不寧暨鳥獸魚鱉咸若于其子孫弗率皇天
降災假手于我有命造攻自鳴條朕哉自亳節
惟我商王布昭聖武代虐以寬兆民允懷節今
王嗣厥德罔不在初立愛惟親立敬惟長始于

家邦終于四海節嗚呼先王肇修人紀從諫弗
拂先民時若居上克明爲下克忠與人不求備
檢身若不及以至于有萬邦茲惟艱哉節敷求
哲人俾輔于爾後嗣節制官刑儆于有位曰敢
有恒舞于宮酣歌于室時謂巫風敢有殉于貨
色恒于遊畋時謂淫風敢有侮聖言逆忠直遠
耆德比頑童時謂亂風惟茲三風十愆卿士有
一于身家必喪邦君有一于身國必亡臣下不

匡其刑墨具訓于蒙士節嗚呼嗣王祗厥身念
哉聖謨洋洋嘉言孔彰惟上帝不常作善降之
百祥作不善降之百殃爾惟德罔小萬邦惟慶
爾惟不德罔大墜厥宗

太甲上

惟嗣王不惠于阿衡節伊尹作書曰先王顧諟
天之明命以承上下神祇社稷宗廟罔不祗肅
天監厥德用集大命撫綏萬方惟尹躬克左右

厥辟宅師肆嗣王丕承基緒節惟尹躬先見于
西邑夏自周有終相亦惟終其後嗣王罔克有
終相亦罔終嗣王戒哉祗爾厥辟辟不辟忝厥
祖節王惟庸罔念聞節伊尹乃言曰先王昧爽
丕顯坐以待旦旁求俊彥啓迪後人無越厥命
以自覆節慎乃儉德惟懷永圖節若虞機張往
省括于度則釋欽厥止率乃祖攸行惟朕以懌
萬世有辭節王未克變節伊尹曰茲乃不義習

與性成。予弗狎于弗順。管于桐宮。密邇先王。其訓無俾。世迷。節王徂桐宮。居憂。克終允德。

太甲中

惟三祀十有二月朔。伊尹以冕服奉嗣王歸于亳。節作書曰。民非后。罔克胥匡以生。后非民。罔以辟四方。皇天眷佑有商。俾嗣王克終厥德。實萬世無疆之休。節王拜手稽首曰。予小子不明于德。自底不類。欲敗度。縱敗禮。以速戾于厥躬。

天作孽猶可違。自作孽不可逭。既往背師保之訓。弗克于厥初。尚賴匡救之德。圖惟厥終。節伊尹拜手稽首曰。修厥身。允德協于下。惟明后。節先王子惠困窮。民服厥命。罔有不悅。並其有邦。厥鄰乃曰。俟我后。后來無罰。節王懋乃德。視乃烈祖。無時豫怠。節奉先思孝。接下思恭。視遠惟明。聽德惟聰。朕承王之休無斁。

太甲下

伊尹申誥于王曰。嗚呼。惟天無親。克敬惟親。民罔常懷。懷于有仁。鬼神無常享。享于克誠。天位艱哉。節。德惟治。否德亂。與治同道。罔不興。與亂同事。罔不亡。終始慎厥與。惟明明后。節。先王惟時懋敬厥德。克配上帝。今王嗣有令緒。尚監茲哉。節。若升高。必自下。若陟遐。必自邇。節。無輕民事。惟難。無安厥位。惟危。節。慎終于始。節。有言逆于汝心。必求諸道。有言遜于汝志。必求諸非道。

節。嗚呼。弗慮胡獲。弗爲胡成。一人元良。萬邦以貞。節。君罔以辯言亂舊政。臣罔以寵利居成功。邦其永孚于休。

咸有一德

伊尹既復政厥辟。將告歸。乃陳戒于德。節。曰。嗚呼。天難謀。命靡常。常厥德。保厥位。厥德靡常。九有以亡。節。夏王弗克庸德。慢神虐民。皇天弗保。監于萬方。啓迪有命。眷求一德。俾作神主。惟尹

五經 書 卷之七
躬暨湯咸有一德克享天心受天明命以有九
有之師爰革夏正節非天私我有商惟天佑于
一德非商求于下民惟民歸于一德節德惟一
動罔不吉德二三動罔不凶惟吉凶不僭在人
惟天降災祥在德節今嗣王新服厥命惟新厥
德終始惟一時乃日新節任官惟賢才左右惟
其人臣爲上爲德爲下爲民其難其慎惟和惟
一節德無常師主善爲師善無常主協于克一

節 俾萬姓咸曰大哉王言又曰一哉王心克綏
先王之祿永底烝民之生節嗚呼七世之廟可
以觀德萬夫之長可以觀政節后非民罔使民
非后罔事無自廣以狹人匹夫匹婦不獲自盡
民主罔與成厥功

盤庚上

盤庚遷于殷民不適有居率籲衆慙出矢言節
曰我王來既爰宅于茲重我民無盡劉不能胥

匡以生卜稽曰其如台節先王有服恪謹天命
茲猶不常寧不常厥邑于今五邦今不承于古
罔知天之斷命矧曰其克從先王之烈節若顛
木之有由蘖天其永我命于茲新邑紹復先王
之大業底綏四方節盤庚敷于民由乃在位以
常舊服正法度曰無或敢伏小人之攸箴王命
衆悉至于庭節王若曰格汝衆予告汝訓汝猷
黜乃心無傲從康節古我先王亦惟圖任舊人

共政王播告之修不匿厥指王用丕欽罔有逸
言民用丕變今汝聒聒起信險膚予弗知乃所
訟節非予自荒茲德惟汝含德不惕予一人予
若觀火予亦拙謀作乃逸節若網在綱有條而
不紊若農服田力穡乃亦有秋節汝克黜乃心
施實德于民至于婚友丕乃敢大言汝有積德
節乃不畏戎毒于遠邇懼農自安不昏作勞不
服田畝越其罔有黍稷節汝不和吉言于百姓

五經
惟汝自生毒，乃敗禍姦宄，以自災于厥身。乃既先惡于民，乃奉其愆，汝悔身何及。相時儉民，猶胥顧于箴言，其發有逸口，矧予制乃短長之命。汝曷弗告朕，而胥動以浮言，恐沈于衆，若火之燎于原，不可嚮邇，其猶可撲滅，則惟爾衆自作弗靖，非予有咎。節 遲任有言曰：人惟求舊器，非求舊惟新。節 古我先王暨乃祖乃父，胥及逸勤，予敢動用非罰，世選爾勞，予不掩爾善，茲予大

享于先王，爾祖其從與享之。作福作災，予亦不敢動用非德。節 予告汝于難，若射之有志，汝無侮老成人，無弱孤有幼，各長于厥居，勉出乃力，聽予一人之作猷。節 無有遠邇，用罪伐厥死，用德彰厥善，邦之臧，惟汝衆，邦之不臧，惟予一人有佚罰。節 凡爾衆，其惟致告，自今至于後日，各恭爾事，齊乃位，度乃口，罰及爾身，弗可悔。

盤庚中

盤庚作惟涉河以民遷乃誥民之弗率誕告用
亶其有衆咸造勿褻在王庭盤庚乃登進厥民
節曰明聽朕言無荒失朕命節嗚呼古我前后
罔不惟民之承保后胥感鮮以不浮于天時節
殷降大虐先王不懷厥攸作視民利用遷汝曷
弗念我古后之聞承汝俾汝惟喜康共非汝有
咎比于罰節予若籲懷茲新邑亦惟汝故以丕
從厥志節今予將試以汝遷安定厥邦汝不憂

朕心之攸困乃咸大不宣乃心欽念以忱動予
一人爾惟自鞠自苦若乘舟汝弗濟臭厥載爾
忱不屬惟是以沈不其或稽自怒曷廖節汝不
謀長以思乃災汝誕勸憂今其有今罔後汝何
生在上節今予命汝一無起穢以自臭恐人倚
乃身迂乃心節予迓續乃命于天子豈汝威用
奉畜汝衆節予念我先神后之勞爾先予丕克
羞爾用懷爾然節失于政陳于茲高后丕乃崇

降罪疾曰曷虐朕民節汝萬民乃不生生暨予
一人猷同心先后丕降與汝罪疾曰曷不暨朕
幼孫有比故有爽德自上其罰汝汝罔能迪節
古我先后既勞乃祖乃父汝共作我畜民汝有
戕則在乃心我先后綏乃祖乃父乃祖乃父乃
斷棄汝不救乃死節茲予有亂政同位具乃貝
玉乃祖乃父丕乃告我高后曰作丕刑于朕孫
迪高后丕乃崇降弗祥節嗚呼今予告汝不易

永敬大恤無胥絕遠汝分猷念以相從各設中
于乃心節乃有不吉不迪顛越不恭暫遇姦宄
我乃劓殄滅之無遺育無俾易種于茲新邑節
往哉生生今予告以汝遷永建乃家

盤庚下

盤庚既遷奠厥攸居乃正厥位綏爰有衆節曰
無戲怠懋建大命節今予告其敷心腹腎腸歷告
爾百姓于朕志罔罪爾衆爾無共怒協比讒言

予一人節古我先王將多于前功適于山用降
我凶德嘉績于朕邦節今我民用蕩析離居罔
有定極爾謂朕曷震動萬民以遷節肆上帝將
復我高祖之德亂越我家朕及篤敬恭承民命
用永地于新邑節肆予冲人非廢厥謀弔由靈
各非敢違卜用宏茲賁節嗚呼邦伯師長百執
事之人尚皆隱哉節予其懋簡相爾念敬我衆
節朕不肩好貨敢恭生生鞠人謀人之保居叙

欽節今我既羞告爾于朕志若否罔有弗欽節
無總于貨寶生生自庸節式敷民德永肩一心

說命上

王宅憂亮陰三祀既免喪其惟弗言羣臣咸諫
于王曰嗚呼知之曰明哲明哲實作則天子惟
君萬邦百官承式王言惟作命不言臣下罔攸
稟令節王庸作書以誥曰以台正于四方台恐
德弗類茲故弗言恭默思道夢帝賚予良弼其

代予言節乃審厥象俾以形旁求于天下說築
 傅巖之野惟肖節爰立作相王置諸其左右節
 命之曰朝夕納誨以輔台德節若金用汝作礪
 若濟巨川用汝作舟楫若歲大旱用汝作霖雨
 節啓乃心沃朕心節若藥弗瞑眩厥疾弗瘳若
 跣弗視地厥足用傷節惟暨乃僚罔不同心以
 匡乃辟俾率先王迪我高后以康兆民節嗚呼
 欽予時命其惟有終節說復于王曰惟木從繩

則正后從諫則聖后克聖臣不命其承疇敢不
 祇若王之休命

說命中

惟說命總百官節乃進于王曰嗚呼明王奉若
 天道建邦設都樹后王君公承以大夫師長不
 惟逸豫惟以亂民節惟天聰明惟聖時憲惟臣
 欽若惟民從乂節惟口起羞惟甲冑起戎惟衣
 裳在笥惟干戈省厥躬王惟戒茲允茲克明乃

罔不休節惟治亂在庶官官不及私昵惟其能
 爵罔及惡德惟其賢節慮善以動動惟厥時節
 有其善喪厥善矜其能喪厥功節惟事事乃其
 有備有備無患節無啓寵納侮無耻過作非節
 惟厥攸居政事惟醇節黷于祭祀時謂弗欽禮
 煩則亂事神則難節王曰旨哉說乃言惟厥乃
 不良于言予罔聞于行節說拜稽首曰非知之
 艱行之惟艱王忱不艱允協于先王成德惟說

不言有厥咎

說命下

王曰來汝說台小子舊學于甘盤既乃遜于荒
 野入宅于河自河徂亳暨厥終罔顯節爾惟訓
 于朕志若作酒醴爾惟麴蘖若作和羹爾惟鹽
 梅爾交修予罔予棄予惟克邁乃訓節說曰王
 人求多聞時惟建事學于古訓乃有獲事不師
 古以克永世匪說攸聞節惟學遜志務時敏厥

王經
修乃來允懷于茲道積于厥躬節惟數學半念
終始典于學厥德修罔覺節監于先王成憲其
永無愆節惟說式克欽承旁招俊乂列于庶位
節王曰嗚呼說四海之內咸仰朕德時乃風節
股肱惟人良臣惟聖節昔先正保衡作我先王
乃曰予弗克俾厥后惟堯舜其心愧耻若撻于
市一夫不獲則曰時予之辜佑我烈祖格于皇
天爾尚明保予罔俾阿衡專美有商節惟后非

賢不乂惟賢非后不食其爾克紹乃辟于先王
永綏民說拜稽首曰敢對揚天子之休命

高宗彤日

高宗彤日越有雉雉節祖已曰惟先格王正厥
事節乃訓于王曰惟天監下民典厥義降年有
永有不永非天天民民中絕命節民有不若德
不聽罪天既孚命正厥德乃曰其如台節嗚呼
王司敬民罔非天胤典祀無豐于昵

西伯戡黎

西伯既戡黎，祖伊恐，奔告于王。節曰：天子天既訖我殷命，格人元龜，罔敢知吉。非先王不相我後人，惟王淫戲用自絕。節故天棄我，不有康食，不虞天性，不迪率典。節今我民罔弗欲喪，曰：天曷不降威！大命不摯。今王其如台。節王曰：嗚呼！我生不有命在天。節祖伊反曰：嗚呼！乃罪多參在上，乃能責命于天。節殷之即喪，指乃功，不無

戮于爾邦。

微子

微子若曰：父師！少師！殷其弗或亂，正四方。我祖底遂陳于上，我用沈酗于酒，用亂敗厥德于下。節殷罔不小大，好草竊姦宄，卿士師師非度，凡有辜罪，乃罔恒獲。小民方興，相為敵讐。今殷其淪喪，若涉大水，其無津涯。殷遂喪，越至于今。節曰：父師！少師！我其發出狂，吾家耄遜于荒。今爾

無指告予顛隳。若之何其。節父師若曰：王子天
毒降災，荒殷邦。方興沈酗于酒。節乃罔畏，畏弗
其苛。長舊有位人。節今殷民乃攘竊神祇之犧
牲，用以容將食，無災。節降監殷民，用乂讐斂。
召敵讐，不怠。罪合于一。多瘠罔詔。節商今其有
災，我興受其敗。商其淪喪，我罔爲臣僕。詔王子
出迪，我舊云刻子。王子弗出，我乃顛隳。節自靖
人自獻于先王，我不顧行遯。

以主

近藤信吉

